

Олна малд хойр джилд күрх хот белдхмн



Эрдни-шишән элвг ургъц авхвдн

Дегцәр, өндрәр ургъсн эрдни-шишәгъан хәләхлә, мини седкл байрлна. Мана күч-көлсн айстан үрсн уга — эрдни-шишән тәрәнә өнъгнь йир сән.

Эн тәрән мини үүрмүднн, мини звенон чледин гарин керг. Күч-көлснә байринь медәд бий талан талданар хәләдг болв. Энүнә өмн би тооч болдж кәдл-джаләв. Тооч күн эдл-ахуд керг уга гидж келхәр седджә-хшв. Болв тоочин кәдлмшт дурм эс тусад, балгъс орад производствд кәдлхәр седүв. Кәдл-мшәсн гарчкад, йовдж йовхнь, колхозин парторг харгъад «конторур ир» — гидж нанд келв. Не, нанд уурлхар седджә-нә гигад санчкв.

«Колхозан хаяд, балгъс орад, ик мөнъг амрар олхар седджә-нч» — гидж инәджәнә. «Юнъгад инәджәхмн болхв» — гидж санчкад, би тагчг зогсв. Тегәд эн нан тал хәләчкәд — эркн нег керг бәәнә — гидж экләд эрдни-шишән чинрин тускар келдж цәәлгъв. Уданар цәәл-гъад бәәхләнь күләдж эс чадад бәәвүв, болв юуна тускар келдж бәәхинь медчкәд «звенон толгъач болнав» гигад келчкв.

Тиигдж эн джилин эклцәр звенон толгъач боллав. Кәдл-мштән шунлтта, ницнъгъү күүкд цуглвр. Цаг айстнь давлсн угавдн. Кәдлх газран йил-гъүлдж авад, малин бог-шег эклдж зөөвдн. Тәргдх газрур ут-туршдан бәәрн газрин 380 тонн удобрень зөөддж асхвдн. Дакад эрдни-шишән «Коллективный» гидг эк агротехническ зааврар белдвдн.

Хавр ирв. Комсомолец Иван Ганзиков, тәргдх газриг хойр дакдж самлад, нег дакдж семлв. Звенон күүкд эн цагт дөрвдлжлүлдж тәрлгънә сеялк дасджала. Эрдни-шишә тәрлгъән майин 2-д эклвдн. Тракторист Иван Ганзиковд боли сеялк белддж диглсн Владимир Уханьд ик гидгәр ханджанавдн, термлдж тәрлгъиг эдн йир сәәнәр кев.

Эрдни-шишән гурвдгч хамт-хаснь гарсн цагт хойр дакдж кирслдж семлгдлә. Ур болгънд хойр үндс үлдәвдн. Гарц йир сән билә, болв чиг керглгдджә-лә. Мел энүг медсн мет, манъ-гъдуртнь хур орв. Хурин хөөн дакн нег семлгдв. Ода эрдни-шишән тәрән цевр, дөрвдлжл-дж тәргдсн зерглән көкрәд,

өндртән өсәд, нәәхләд бәәнә. Шовуна гурви тонн бог-шег белдләвдн, ода тәрәндән асрм-дж өгч терүгән тарадж цац-джанавдн. Эврәннь даалгъвр-ан күцәхин төлә бидн чидлән нөлго цугтагъинь кехвдн.

Дакад им нег төрин тускар келхәр седләв. Бидн муурсан медлго, ницнъгъү сәәнәр кәд-лнәвдн, болв мадна культурн джиргълин тускар килмдж гар-гъснь медгдхш. Мини звенон нәәмн күүкн кәдлнә. Кәдл-шин хөөн эдн сул цаган олз-лдж, нәр-наад кехәр седнә. Манд радиоприемник, гитар өгхиг колхозин ахлас, пар-тийн организацин сегләтрәс кесг дакдж сурлавдн. Эдн кесг дакдж өгнәвдн гидж келлә. Болв ода күртл үгәрн бәәгъә.

Манд редакцас им нег сур-вр бәәнә: мана звено балгъсна, Ленинә нертә колхозин Свет-лана Максютован звенола дөр-лднә. Эн звенон кәдлмш ягъдж йовхин тускар газетин халхд бичхиг сурджанавдн.

Зоя ОВЧАРОВА.

Эрдни-шишән тәрәнә звенон толгъач.